



Broj: 04-40-1-116/25
Sarajevo, 27.04.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 26.04.2025. do 08:30 sati 27.04.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su sedam manjih intervencija: jednu na gašenju elektroinstalacija u kući, jednu na gašenju niskog rastinja, jedan izlazak na lice mjesta po dojavi da se u stanu pojavio dim i četiri obezbjeđenja na Međunarodnom aerodromu Sarajevo.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infarstrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 26.04.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Na ovom lokalitetu uočene su ozbiljne geološke promjene. Došlo je do formiranja pukotina uslijed pomjeranja tla, koje se kontinuirano šire i produbljuju. Usljed kišnih padavina povećano je prisustvo površinskih i podzemnih voda koje dodatno destabiliziraju tlo, stvarajući plavne površine i uzrokujući eroziju dijela zemlje prema prvim stambenim objektima u ulici Ablakovi-na. Radi zaštite stanovništva, od strane Službe civilne zaštite uspostavljen je 24-satni nadzor na terenu, kako bi se pravovremeno reagovalo u slučaju potrebe za evakuacijom. Lokalitet “Curine njive” predstavljaju najkritičniji lokalitet zbog dinamičnih geoloških promjena, što zahtijeva intenzivno praćenje i hitne radove (drenažni kanali) radi sprječavanja erozije.

2. Knjeginjac (Opština Istočni Stari Grad):

Na ovom lokalitetu nije zabilježeno novo odlaganje građevinskog materijala, ali je primijećeno slijeganje postojećeg deponijskog materijala, uz početne znakove erozije tla. Lokalitet je pod stalnim nadzorom Službe civilne zaštite.

Opština Istočni Stari Grad je završila izgradnju pristupnog puta do lokaliteta Curine njive, čime su stvoreni uslovi za početak izgradnje drenažnih kanala. Ovi kanali su ključni za efikasan odvod površinskih

voda i stabilizaciju tla, kako bi se spriječila dalja erozija. Trenutno se izvode radovi na dodatnom posipanju tamponskog sloja na novoizgrađenom putu.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka i dalje je djelimično zatrpano zemljano-kamenim materijalom te obrušenim stablima. Nisu zabilježene nove promjene, niti poduzete mjere za uklanjanje postojećih prepreka. Terenski nadzor se kontinuirano provodi radi pravovremenog otkrivanja mogućih opasnosti i sprječavanja daljnje destabilizacije terena.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (broj:08-40-1128-2/24 od 01.11.2024. godine i broj:08-40-1128-2.1/24 od 20.11.2024.godine), kao i važećih planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i poduzimanje mjera za eventualni smještaj stanovništva u sigurnije objekte koji će biti obezbijeđeni putem Općine Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 12°C, vlažnost zraka 100 %, barometarski pritisak 944,0 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog provođenja mjera osiguranja bezbjednog održavanja fudbalske utakmice danas od 10 do 18 sati obustavlja se saobraćaj u ulici Patriotske lige-obilaznica pored Olimpijskog stadiona „Asim Ferhatović Hase“ (od ulice Patriotske lige do ulice Betanija).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a